

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA DOBOJ JUG  
OPĆINSKI NAČELNIK**

Broj:02-11- 1101- 1 /22

Dana,12.09.2022.godine

Na osnovu člana 5. Odluke o dodjeli novčane pomoći roditeljima u svrhu sufinansiranja dijela troškova boravka djece u vrtiću za 2022.godinu („Službeni glasnik općine Doboj Jug“ broj:4/22), Zaključka Općinskog vijeća Doboj Jug broj:01-04-1031-22/22 od 30.08.2022.godine i člana 37. Statuta općine Doboj Jug („Službeni glasnik općine Doboj Jug“, broj: 03/08, 01/12 i 02/13) Općinski načelnik općine Doboj Jug objavljuje

**JAVNI OGLAS**

**za podnošenje zahtjeva za dodjelu novčane pomoći roditeljima u svrhu sufinansiranja dijela troškova boravka djece u vrtiću za 2022.godinu zbog raspodjele neutrošenih sredstva**

**I**

Predmet Javnog oglasa je odobravanje novčane pomoći roditeljima u svrhu sufinansiranja dijela troškova cjelodnevnog ili poludnevnog boravka djece u vrtiću za 2022.godinu zbog raspodjele neutrošenih sredstva.

**II**

Sredstva za realizaciju ovog Javnog oglasa utvrđena su u budžetu Općine Doboj Jug za 2022.godinu, pozicija 614231/10, BORAVAK DJECE U VRTIĆIMA.

**III**

Pravo na novčanu pomoć roditeljima u svrhu sufinansiranja dijela troškova boravka djece u vrtiću za 2022.godinu imaju roditelji pod uslovom:

- da jedan od roditelja, usvojioca ili staraoca i dijete ima prijavljeno prebivalište na području općine Doboj Jug,
- ako ukupan prihod po članu domaćinstva mjesečno ne prelazi 400,00 KM,
- da nisu bili korisnici sredstava Općine Doboj Jug za ovaj vid novčane pomoći u 2022.godini.

Roditeljima koji imaju dvoje ili više djece i koja cijelodnevno ili poludnevno borave u vrtiću pripada pravo na novčanu pomoć za drugo, treće i naredno dijete bez obzira na ukupan prihod domaćinstva.

**IV**

Općina će sufinansirati dio troškova boravka djece u vrtiću za 2022.godinu na osnovu podnesenih zahtjeva isplatom jednokratnog novčanog iznosa koji ne prelazi iznos od 300,00 KM po djetetu u toku kalendarske godine.

**V**

Zainteresovani kandidati uz prijavu prilažu slijedeće dokaze:

- a) uvjerenje o prebivalištu za roditelja, usvojioca ili staraoca i dijete (PB3 obrazac ne stariji od mjesec dana)

- b) ovjerena izjava o zajedničkom domaćinstvu;
- c) potvrda da je dijete upisano u vrtić u periodu od najmanje od 3 mjeseca prije podnošenja zahtjeva;
- d) uvjerenje nadležne službe za boračko-invalidsku zaštitu da podnositelj zahtjeva i njegov supružnik/ca nisu korisnici stalnih novčanih primanja iz boračko invalidske zaštite;
- e) uvjerenje nadležne službe za socijalnu i dječiju zaštitu/centar za socijalni rad da podnositelj zahtjeva i njegov supružnik/ca nisu korisnici stalnih novčanih primanja po osnovu prava civilnih žrtava rata,
- f) dokaz o prihodima punoljetnih članova porodičnog domaćinstva (uvjerenje o visine neto plaće isplaćene u posljednja 3 mjeseca, za nezaposlene članove uvjerenje o nezaposlenosti Zavoda za zapošljavanje).

## VI

U skladu sa raspisanim Javnim oglasom Komisija imenovana od strane Općinskog načelnika općine Doboj Jug, na osnovu uvida u podnesene prijave i priloženu dokumentaciju, sačiniti će prijedlog korisnika pomoći o čemu će zapisnički izvjestiti Općinskog načelnika.

Na osnovu prijedloga Komisije, Općinski načelnik donosi rješenje o odobravanju ili odbijanju zahtjeva za ostvarivanje prava na novčanu pomoć roditeljima svrhu sufinansiranja dijela troškova boravka djece u vrtiću za 2022.godinu.

O žalbi na rješenje Općinskog načelnika rješava Drugostepena komisija za rješavanje po žalbama i prigovorima općine Doboj Jug.

## VII

Javni oglas biti će objavljen na oglasnoj tabli općine Doboj Jug, službenoj web stranici Općine Doboj Jug i oglasnim mjestima na području općine.

## VIII

Prijavu na Javni oglas sa potrebnom dokumentacijom kandidati dostavljaju Općinskom načelniku putem protokola općine Doboj Jug na obrascu Zahtjeva za dodjelu novčane pomoći koji se može preuzeti u Službi za civilnu zaštitu, opću upravu i zajedničke poslove općine Doboj Jug, kancelarija broj 107 i u Službi za budžet, finansije i privredu općine Doboj Jug, kancelarija broj 7.

Javni oglas ostaje otvoren 30 dana od dana objavljivanja tj. od 13.09.2022.godine do 12.10.2022.godine kada je i krajnji rok za podnošenje prijave.

Nepotpune, neblagovremene i neuredne prijave neće biti uzete u razmatranje.



OPĆINSKI NAČELNIK  
Mirnes Tukić